

গণপ্রজাতন্ত্রী বাংলাদেশ সরকার
আইন, বিচার ও সংসদ বিষয়ক মন্ত্রণালয়
লেজিসলেটিভ ও সংসদ বিষয়ক বিভাগ
কর্মসম্পাদন ব্যবস্থাপনা শাখা
www.legislative.gov.bd



বিষয়: লেজিসলেটিভ ও সংসদ বিষয়ক বিভাগের ২০২০-২১ অর্থ বছরের ইনোভেশন পুরস্কার প্রদান কমিটির সভার কার্যবিবরণী প্রসঙ্গে।

লেজিসলেটিভ ও সংসদ বিষয়ক বিভাগের ২০২০-২১ অর্থ বছরের ইনোভেশন ধারণা যাচাই এবং নির্বাচনের লক্ষ্যে বিগত ২১-১০-২০২০ খ্রিঃ তারিখ রোজ বুধবার বেলা ১০.৩০ ঘটিকায় লেজিসলেটিভ ও সংসদ বিষয়ক বিভাগের সচিব ও ইনোভেশন পুরস্কার কমিটির আহ্বায়ক এর সভাপতিত্বে (রুম নং-৬২৮, ৪নং ভবনের ৬ তলা, বাংলাদেশ সচিবালয়, ঢাকা) একটি সভা অনুষ্ঠিত হয়। সভায় সংশ্লিষ্ট প্রতিনিধিদের উপস্থিতির তালিকা পরিশিষ্ট 'ক' তে সংযুক্ত।

২। সভাপতি মহোদয় সভায় উপস্থিত সকলকে স্বাগত জানিয়ে সভার আলোচ্যসূচি অনুযায়ী বিষয়টি উপস্থাপনের জন্য এ বিভাগের উপসচিব ও ইনোভেশন পুরস্কার কমিটির সদস্য জনাব এস.এম. শাফায়েত হোসেনকে আহ্বান জানান। এ পর্যায়ে জনাব এস.এম.শাফায়েত হোসেন সভাকে অবহিত করেন যে, বিগত ১-১০-২০২০ খ্রিঃ তারিখে এ বিভাগের কর্মকর্তাদের নিকট উদ্ভাবনী ধারণা/উদ্যোগ আহ্বান করা হয়। সে মোতাবেক এ বিভাগের ২০ জন কর্মকর্তা মোট ১২৬টি উদ্ভাবনী ধারণা/ উদ্যোগ প্রদান করেন। উদ্ভাবনী ধারণা/উদ্যোগ যাচাই বাছাইয়ের লক্ষ্যে গঠিত বাছাই কমিটি কর্তৃক প্রাথমিক ভাবে ২২ টি উদ্ভাবনী ধারণা/ উদ্যোগ নির্বাচন করা হয়। উক্ত ২২টি উদ্ভাবনী ধারণা/উদ্যোগসমূহ হতে চূড়ান্তভাবে ধারণা/উদ্যোগ নির্বাচনের জন্য তিনি বাছাই কমিটিকে অনুরোধ করেন। প্রাপ্ত ধারণা/ উদ্যোগসমূহ সময় নিয়ে পুঙ্খানুপুঙ্খভাবে বিশ্লেষণপূর্বক বাস্তবায়নযোগ্য উদ্ভাবনী ধারণা/ উদ্যোগ নির্বাচন করা সমীচীন বিধায় সভাপতি মহোদয় এ পর্যায়ে সভা মূলতবি ঘোষণা করেন।

৩। পরবর্তীতে সভাপতি মহোদয়ের অফিস কক্ষে ২৯-১০-২০২০ খ্রিঃ তারিখ রোজ বৃহঃস্পতিবার মূলতবি সভা অনুষ্ঠিত হয়। সভার এ পর্যায়ে, সভাপতি মহোদয় বাছাই কমিটি কর্তৃক চূড়ান্তভাবে উদ্ভাবনী ধারণা/ উদ্যোগ নির্বাচিত করার জন্য আহ্বান জানান এবং সে মোতাবেক দীর্ঘ আলোচনা ও পর্যালোচনার পর ১০ ক্যাটাগরির উদ্ভাবনী ধারণা/ উদ্যোগ তথ্য বাতায়নে প্রকাশের জন্য নিবার্চন করা হয়।


৪। সভায় নিম্নবর্ণিত সিদ্ধান্ত গৃহীত হয়, যথা:-

সিদ্ধান্ত:

- (ক) উদ্ভাবনী ধারণা আহ্বানের প্রেক্ষিতে এ বিভাগের কর্মকর্তাগণ কর্তৃক প্রদত্ত মোট ১২৬ টি উদ্ভাবনী ধারণা উদ্ভাবনী কর্মপরিকল্পনা ২০২০-২০২১ এর কর্মসম্পাদন সূচক ৫.১ মোতাবেক যাচাই- বাছাইপূর্বক নির্বাচিত করা হলো, উক্ত নির্বাচিত ধারণাসমূহের তালিকা তথ্য বাতায়নে প্রকাশ করতে হবে;
- (খ) কর্মসম্পাদন সূচক ৬.১ মোতাবেক নির্বাচিত উপরি-উক্ত উদ্ভাবনী ধারণাসমূহ হতে ৩-৪টি উদ্ভাবনী উদ্যোগ (আইনের অনুদিত পাঠ প্রকাশ, সরকারি গাড়ীতে জিপিআরএস সংযোজন, ডিজিটাল নথি রেজিস্টার ও কার্যালয়ের ভৌত পরিবেশের সৌন্দর্য বর্ধন) পাইলটিং বাস্তবায়নের জন্য সরকারি আদেশ জারির ব্যবস্থা গ্রহণ করতে হবে;
- (গ) ২০২০-২১ অর্থ অনূন একটি ডিজিটাল সেবা চালুকরণ এবং একটি সেবা সহজিকরণের আদেশ জারি করতে হবে;
- (ঘ) ২৫-০৫-২০২১ তারিখের মধ্যে বাস্তবায়িত উদ্ভাবনী উদ্যোগ ও সেবা সহজিকরণের ডকুমেন্টেশন তৈরি ও প্রকাশনা করতে হবে;

- (ঙ) উপরি-উক্ত উদ্ভাবনী উদ্যোগ ধারণা বাস্তবায়নার্থে পরবর্তী কার্যক্রমের উদ্যোগ গ্রহণ যেমন: কর্মসম্পাদন সূচক ৭.১ মোতাবেক ন্যূনতম ০১টি শোকেসিং (প্রদর্শন), ৭.২ মোতাবেক ৩ টি শ্রেষ্ঠ উদ্ভাবনী উদ্যোগ নির্বাচন, ৮.১ মোতাবেক ন্যূনতম ০১টি উদ্যোগ আঞ্চলিক ও জাতীয় পর্যায়ে বাস্তবায়নের উদ্যোগ গ্রহণসহ (যদি থাকে) ৯.১ এবং ৯.২ মোতাবেক উদ্ভাবকগণকে দেশে শিক্ষা সফর/ প্রশিক্ষণ/ নলেজ শেয়ারিং প্রোগ্রামে প্রেরণ এবং শ্রেষ্ঠ উদ্ভাবকগণকে প্রশংসাসূচক আনুষ্ঠানিকপত্র/ ক্রেস্ট / পুরস্কার প্রদানের প্রয়োজনীয় কার্যক্রম গ্রহণ করা হবে;
- (চ) লেজিসলেটিভ ও সংসদ বিষয়ক বিভাগের ২০২০-২১ অর্থ বছরে প্রণীত উদ্ভাবনী কর্মপরিকল্পনার কর্মসম্পাদন সূচক ৪.১ হতে ৯.২ এ বিধৃত উপরিউক্ত কার্যাবলী সুষ্ঠু ও সূচারুক্রমে সম্পাদনের জন্য সম্ভাব্য ব্যয় নির্বাহের লক্ষ্যে চলতি অর্থ বছরে এ বিভাগের অনুকূলে আর্থিক কোড ৩২৫৭১০৫ খাতে প্রয়োজনীয় অর্থ বরাদ্দের ব্যবস্থা গ্রহণের জন্য বাজেট শাখার মাধ্যমে অর্থ বিভাগে প্রস্তাব প্রেরণ করতে হবে।

৫। সভায় আর কোন আলোচ্য বিষয় না থাকায় সভাপতি মহোদয় সকলকে ধন্যবাদ জানিয়ে সভার কার্যক্রম সমাপ্ত ঘোষণা করেন।


(মো: মইনুল কবির)

সচিব

ও

আহ্বায়ক, ইনোভেশন পুরস্কার কমিটি।